

鄆縣志

280.23
38
5.2.10



同治庚午

鄂

鼎

志

墨韻堂藏板

郫縣志敘

辛未春予校士成都府屬郫大令陸君光宗爲提調官暇時語及郫知郫故繁劇邑也壬申春朱君鼎臣攝篆是邑維時制使常公與方伯方公廉訪常公延前戶部員外郎楊君芳燦暨諸同人纂修四川省志頒示格式下府州縣填寫呈送朱君下車甫數月清獄訟嚴保甲釐正書院膏火井然有可觀者復續輯前邑令李馨所纂郫縣志成凡八卷先以質余且請爲之弁予忝輶軒使者不得以不文辭長夏試竣披覽一過始知郫固小

郫縣志

卷一

序

三

邑截長補短曾不能五十里而其間田疇之沃衍陂池之灌注戶口之繁會士女之闐溢簪紱之蹠濟俊秀之烝進以及奇人傑士之挺生隱隱振與大邑等何哉蓋蜀古稱蠶叢類多高山大陵深池絕壑飛流急湍之所噴薄駟駮豹犛之所叫號余使車所至環而周焉唯成都附郭數百里間原陸平曠實爲地之神臯奧區郫去郡治僅四十餘里其溝塍繡錯桑麻鋪棊連袂成帷揮汗如雨也固宜抑予更有說焉土沃則易淫物衆則難治官斯土者自宋元以來多有姓氏可紀而遺愛在



民永矢勿諉者自楊劉二公外蓋寥寥焉詩不云乎無言不讐無德不報今觀鄆民之所以報楊劉二公者歲時祭拜於其墓扶老携幼會逾萬人感歎欷歔至於泣下夫二公之去今遠矣今之民曷嘗身接其音容笑貌哉然而享利服教不能忘也亦可見懿好之良矣則觀斯志者尙無令二公專美於前赫然振起是大有裨於吏治也豈徒侈淹博矜該貫資後人考証云爾哉余旣重朱君之請且以楊劉二公之所以令鄆者望朱君并爲陸君望也於是乎書

鄆縣志

卷一

序

四

嘉慶十七年壬申夏六月旣望

賜進士出身

例授奉政大夫提督四川全省學政加四級紀錄四次
軍功加二級紀錄二次禮科掌印給事中前巡視
中城事務工科給事中河南道監察御史巡視濟
甯漕務稽查儲濟倉山西道監察御史戶部陝西
司郎中廣西司員外郎

欽點癸丑科會試同考官貴州司主事兼辦廣東司事
軍機處行走

方略館纂修

欽點庚申科湖南副考官 中書科提調

內閣中書丹徒趙佩湘撰并書

鄆縣志

卷一

序

五

重修鄆縣志序

鄆之有志創始於

純皇帝龍飛之十有六年前邑令李君馨搜羅纂輯集有成書厥功甚偉是年歲星離於重光志之後序成於立默合

上御宇之十有六年歲星復次重光適四川總督志勇巴圖魯長白常公

奏修省志頒示格式下府州縣命照依填註成冊賈省備採錄者其明年歲次立默鼎臣奉檄署鄆

鄆縣志

卷一

序

六

邑既下車詢民疾苦去其已甚而勸其不能復爲之編連保甲以安之釐正書院膏火以振興之暇時屬其紳耆父老以講求之鄆雖小邑而土膏沃衍四野青葱士喜詩書家多饒裕予蒞鄆數月既喜其風俗之醇而其吏民亦多安予之拙因爲檢閱舊志始知江漢炳靈爲何君公之所棲宅揚子雲之所釣遊其急公尙義文教彬蔚廉頑立懦蓋有自來洵乎賢人君子之所遊處其薰德而善良者風教固殊焉既爲刪其繁複訂其錯誤凡自辛

未以後續而輯之其先後次敘悉依省頒格式至
予學植荒落謫陋寡聞後之君子網羅散失補苴
罅漏綿於無盡是余之厚幸也夫郛故水鄉邑以
水得名志之創纂以壬申辛未茲之續纂亦以壬
申辛未皆水躔也則雖人事而亦有天道云是爲
敘

嘉慶十七年辛未夏六月中澣署四川成都府郛
縣知縣事粵西桂林朱鼎臣撰并書

郫縣志序

志者史家之一體班氏踵太史公八書而成十志自天文溝洫以至禮樂刑法食貨一代典章釐然大備後之作者雖有增損要不能出班氏之範圍此史家之志例也至省治郡縣之志則兼載人物所以別淑慝昭勸懲維人心而厚風俗蓋參用史家列傳之體焉郫爲成都屬邑距省不及五十里田疇沃衍人民殷賑井絡會昌英喆如揚子雲之文學何君公之風節固彰彰在人耳目嗣是名流碩士後先繼軌樹立不腐者不可勝數我

郫縣志

卷一

序

八

朝治隆化洽膏潤風猷俊髦奮興民萌康樂百有餘季禮明樂備官師士女宣經猷標節槩者不乏其人則志乘之作揚今風而循古轍爲人心風俗之繫詎可緩歟歲在辛未 大府以全蜀通志年久未經續輯奏請於省垣設局重加編纂并檄下府廳州縣各修輯志乘以備採擇時陸君光宗令是邑因取乾隆十六年前令李君馨所輯舊志補綴叢殘將始厥事旋奉檄攝巴州篆去任署令朱君鼎臣踵而行之因屬邑中紳耆父老採訪遺事搜羅舊聞並取李君之志詳爲考訂其用心可謂

勤矣無何亦以憂去余不佞承間造之勉率二君未竟之業稍加潤色編纂既成遂付削氏邑之人士請作序言因爲述其顛末若夫質有其文辭敷於事守謹嚴肅括之程求合於史家志傳之體余學識樛昧未敢自信請以俟後之君子

嘉慶十八年癸酉八月下澣署四川成都府郫縣知縣事加三級紀錄五次浙江嘉善錢枚撰并書

鄆縣舊志序

鄆之爲邑最古宜其典章文物紀載特詳矣乃寸楮不存事事無考直等諸新設之疆域然者匪盡守土之智不如挈瓶也運丁兵燹之餘其君子小人旣已化爲猿鶴沙蟲矣區區之故籍遺編有不隨切灰而俱滅者哉我

朝定鼎以來涵濡休息百有餘年山陬海澨聲教暨訖邑乘之文咸有可觀而獨鄆之四民率多秦楚豫粵流寓之人土著什不得一與之談故家遺俗之規商徵文攷

鄆縣志

卷一

序

十

獻之舉皆衰如充耳毋惑乎因陋就簡以迄於今也杜子美詩云凡百慎失墜不信然歟余以菲材承乏斯土旣歷有年廢墜粗舉惟邑乘一書以金川之役軍檄旁午未遑修輯茲幸西域救甯乃不禁喟然有念也夫閭閻之下無論巨室編戶其田產貨財陶埴菽粟莫不設之計簿纖悉備載以貽後人俾有所持循稽考而經久不遺一家如此矧一邑之中土田貢賦學校人風何事不闕宏鉅者而可茫無所記聽其愈遠而愈湮乎於是忘其愚謏力任纂修旁搜遠採朝夕編摩寒暑一更始

克彙而成帙付之梓人雖自慚言之不文無以潤色鴻業然一邑之事繫乎民人關乎政治者亦不厭至纖至悉庶幾備遺忘資考核焉後之君子諒其樸陋卽作田產陶埴之簿觀也當無不可爾

乾隆十六年辛未夏五望後邑令閩長溪李馨撰

鄆縣志

卷一

序

十一

三

舊序

余幼偕諸昆友尙論古竹林逸事如山濤治鄆劔大竹
釀醪醱酒香聞百步世豔傳之竊疑濤以孝子出爲良
吏梁上懸絲清標素勵鄆人必有飲食尸祝者僅僅筒
酒著名其細不已甚耶抑亦雅人深致卽小以見大耶
杜鵑山躑躅花也又以名鳥蜀稱杜宇所化意者望帝
遺澤民弗能諼故因時致感耶抑忠誼鬱發寄懷花鳥
有紉蘭弔鵬之思耶懋美然風義難深攷熟中臆見忽
忽數十年矣歲辛巳謁選來鄆卽古杜鵑城也巨源舊

鄆縣志

卷一

序

三

涖水有餘香第以代邈書灰政績罕見賴前令韓陽李
君少白哀輯斷簡搜羅成志存什一於千百厥功詎可
泯乎雖然採風至止輒訪筒酒或聽鵑聲以爲韻事余
雅弗取夫鄆天下之沃野也秦時李太守疏江灌田號
爲陸海而鄆首當其衝相傳犀浦立五石牛迄今若隰
若躍靈在人間余每憑軾巡唵一望平衍禾黍青葱渚
浸滌繞慨然於離堆明德之遠不在神禹下也鄆人飲
和食福固宜寸壤如金倍加珍愛詎壟斷者流往往春
間多種煙葉辣損地脈秋穀收穫漸不及半棄天地之

菁華置粒食於不顧傷農網利暴殄滋深弊俗相沿守
土者罔敢辭責譬之數典不祀犀而祀鵠是臧氏爰居
之妄也不種稻而種籼是公儀藝葵之褊也余故謂杜
帝之仁山公之績有不在於井與城者崇本抑末志切
轉移敢譜數行於簡端以爲斯民勸

乾隆壬午三月知鄆縣事元和沈芝蘭谷氏序

鄆邑舊志失傳乾隆十六年李少白明府令鄆蒐羅訪輯草創成書規模畧具嗣經沈蘭谷明府續修亦未大備己巳年余客京師聞同邑衛君楷園與劉君甫田何君致菴慨然以重修縣志爲己任纂輯數月因部署章程與縣令齟齬事遂中止至辛未年余自京歸里適值 大憲咨

請重修省志檄下州縣俱令修志送呈以備采輯時則陸公古山明府他調故未遑及洎壬申春朱春舫明府來攝鄆篆下車伊始延余屬以此事余謝

鄆縣志

卷一

序

高

不敏固辭不獲遂與鄉前輩李君安之徐君嵩亭楊君春山兼同學中諸友等商榷乃取前志繁者節之漏者補之訛者正之並將數十年來人物事蹟添載其後於暮春朔日開纂至晦日蕙事余跋以詩云蒐輯遺亡補綴忙事先紀實後文章披圖繪出山川秀旌善傳來姓氏香自幸書成剛一月敢云史學具三長就中物產親批點草木蟲魚注尙詳皆紀實也編次畢縣尊朱春舫復以藁質於趙芸浦學憲報曰可爰繕寫二册一呈省志局內

一存縣鏤版時將付剞劂因爲敘其顛末如此餘
不贅言嘉慶十七年仲秋月櫟園盛大器汝舟氏
謹識

補栒郿縣志序

縣之有志所以謹輿圖昭舊典也其間政治之得失民俗之汙隆凡守土吏閱歲時舉得備書固天下郡縣皆有志然善志者或鮮予以去年夏奉大府檄權郿郿之爲縣吉都上古有若杜宇靈關玉壘設爲門戶降至西京揚子雲何汜鄉文章忠節彪炳岷峨意其識於邑乘者必有博大雄偉之觀下車後亟徵諸吏人洎秋吏始以舊志四冊來獻體段規模畧具則

高宗

純皇帝朝前知縣事元和沈君蘭谷所著也今歲又得

郿縣志

卷一

序

一

桂林朱君春舫大令於嘉慶十七年增修一書條目完備徵引汰侈閱之微嫌其繁縟失裁若不逮前志之簡實而所紀時事古蹟証以邇日者舊見聞亦多有異同豈著作才曠世不一遇其善志者用是鮮與予因之缺然擬於暇日晉岷陽士夫相與商訂改修適以授官岩渠當代且去不皇他及然思得多本藏諸行篋博求有道是正往陟度閣則簡板蠹蝕墨人不可模印十殆居其半焉竊予之初蒞郿也固嘗求其書茲幸其書具存曩所鐫梨無論蘭谷所爲不可得卽今去前十七年未

歷三紀厥牘遂壞且廢若此推其故良由典司者均以庶人在官日惟簿書期會是程凡有存諸公府者率視爲故物苟在上者莫之稽則其下遂莫之惜夫以莫之惜物而冀其數十年相傳不弊也豈可得哉迺爲詔梓卽署齋之墨韻堂一仍原文捐薄俸補刊謹於藝文中增入岷陽新廟碑請崇祀杜宇開明疏并附近著揚子雲西漢大儒說有宋王孝子墓表二篇皆舊典也以予爲斯邑長忽忽三百有六旬日一時政治得失民俗汙隆輿人自有公論今將他徙然猶於廢棄隊冊張皇補郭縣志

卷一

序

二

苴蓋不以事之可謝其責而不爲抑爲之使克還舊觀斷無遺憾於前人他日傳諸媿雅君子增損改作安見斯志之不終底於善耶以岷陽多君子行見有繼子雲汜鄉而起者尤予之志也夫

道光二十四年夏四月金城楊得質譔